

# DISSERTATIO

DE

## PARALYSI.

QUAM DEO DUCE

In celeberrimo Monspeliensi Lycæo publicè  
tueri conabitur, Autor JOSEPHUS-  
HONORATUS GROS, Arelatensis; apud  
Gallo Provinciales, Artium Liberalium  
Magister & Medicinæ Alumnus die  
mensis Martii 1747. ab meridiem.

PRO BACCALAUREATA CONSEQUENDO.



MONSPELII,

Apud AUGUSTINUM ROCHARD, Regis & Universitatis  
Typographum unicum. 1747.





R. R. D. D.

PROFESSORES REGII.

Illustrissimus D. D. FRANCISCUS  
CHICOYNEAU, Cancellarius & Ju-  
dex, Regi à Secretioribus Consiliis, Ar-  
chiatrorum Comes.

DISPUTATARI.

R. D. PETRUS RIDEUX, Decanus.  
R. D. ANTONIUS MAGNOL.  
R. D. HENRICUS HAGUENOT.  
R. D. JACOBUS LAZERME.  
R. D. GERARDUS FITZGERALD.  
R. D. EUSTACHIUS MARCOT, Regis,  
Medicus perpetuò Ordinarius.  
R. D. ANTONIUS FIZES.  
R. D. FRANCISCUS DE SAUVAGES.

DOCTORES ORDINARIII.

D. CLAUDIUS CHAPTAL.	D. JOAN.-PETRUS D'ARESCIS.
D. CAROLUS SERANNE.	D. LUDOV. JAC. BERGERON.
D. THOMAS FITZMAURICE.	D. ANDRÆAS FRANÇOIS.
D. FRANCISCUS LAMURE.	D. JOSEPHUS MESTADIER.
D. DOMINICUS PESTRE.	









*Girolamo Rosi. I.*





ILLUSTRISSIMIS

NOBILISSIMIS REVERENDISSIMIS

QUE VIRIS D. D. D. D.

DOMINICO ET CHRISOSTOMO

DE GAILLARD D'AGOULT,

EQUITIBUS MELITENSIBUS  
& Commendatoribus Valentiae & Podii  
Lavalli apud Delphinates.

*QUOD meas vobis offeram These, Viri per  
ILLUSTRES ET NOBILISSIMI, non ut  
quin sæpè sepiùs à proposito dimoverit muneris exi-  
guitas. In re tam parvi momenti nunquam ves-  
trum fuisset ausus ambire Patrocinium, ni eo  
ipso quod vestro insignita nomine, suum ab ipso  
splendorem mutuaretur & gloriam; tantoque  
mihi in honorem verteret vobis præstitum homi-  
nium, quanto magis elucent vestra virtus & dig-  
nitas.*



*Verum quid loquor, dignitas statim occurreret animo Nobilis ac vetus prosapia è dignitatum sinu quasi educata & enutrita. Offerunt sese mihi, Viri per celebre, non tam à dignitatibus, quam ipsa ab eis novâ luce coruscantes celebret; fas est: toga maiores ex stirpe vestrâ in jure peritiâ, in rebus agendis solertiâ, consiliorum maturitate, ingenii acie atque probitate morum eo spectabiliere, quò antiquitus major eos fama commendavit. Viros celebret de Republicâ optimè meritos & purpuræ fulgore nitentes. Neque cadent arma toga, & profectò quid de præfecturis militum, quid de eximiis ducibus, quid de equitibus enarrare valeat facundia, quod longè non superaverit eorum in certamine fortitudo strenua, in Angustiis manet imperterrita atque in difficilibus prudentia quâ nulla major.*


*Multa quidem illa sunt, VIRI ILLUSTRISSIMI, quæ de prosapiâ Nobilissimâ paucis delibavi. Quanta occurent, si vestra, uti par est haud imparibus asferre merita, laudibus aggrederer. Jam jam deterret operi difficultas, vixque locum dicendi præbent tot tamque egregiæ dotes quarum encomia celebrare, tantum ut splendoris detrabere, quia nunquam satis laudandæ.*

*Nec mirum igitur in ordine melitensi ad altiores honorum apices evectos, præclarissima obeuntes munia; apud optimates existimatione florere singulari; non mirum ità plurimi vos facere summum Ordinis Magistrum ut in triremium*




tuendæ religionis prætorem alterum è vobis jure merito assumpserit , alterum ad alios paret honores. Non mirum , inquam , tantâ vos gloriâ circumfulsos. Quantam etenim non meretur & vestra in Deum pietas , in proximum benevolentia , in egenos beneficentia , quantam non meretur vestra hæc animi magnitudo inter rerum varietates permanens inconcussa , sublimis sapientia quâ dignitatis vestra amplitudinem sic sustinatis ; mentis hæc perspicaciæ & optimarum artium cognitione culta , morum elegantia quæ omnium vobis corda devincit ; sed quam multa reticeo , & mihi liceat , Viri undequaque Clarissimi , omnique jure Commendatissimi , alioquin nativa non ferret hæc vestra modestia. Verum votorum intima plenice expendent Theses meæ vestro consecratæ nomini , atque , uti spero benigne à vobis erit acceptum istud obsequii mei pignus , noscatis utinam quali affectu ac reverentiâ me semper vobis devotum & addictissimum profitebor.





Digitized by the Internet Archive  
in 2020 with funding from  
Wellcome Library





# DISSERTATIO

DE

# PARALYSI.

## DEFINITIO.



PARALYSIS est abolitio vel notabilis imminutio sensûs aut motûs, vel utriusque cum affectarum partium laxitate, illæso manente sensorio interno.

Ex quâ definitione patet sensus tantum externos in Paralyfi lædi.

Ufus tamen voluit ut per paralyfim intelligeretur tantum læsio tactûs & motus partis præcipuè mobilis; cum reliqui sensus afficiuntur, tunc dicitur Paralyfis visûs, v. g. vel aud. &c.

## DIFFERENTIÆ.

Dividitur Paralyfis in universalem & particularem. Universalis est ea in quâ pars magna corporis afficitur ut medietas corporis, & tunc hemiplegia vocatur, ut omnes partes sub capite positæ, & tunc paraplegia dicitur.

Particularis nuncupatur cum brachium v. g. tibia &c. Paralyfi laborant. Dividitur quoque in perfectam & in



imperfectam perfecta est quandò sensus & motus imperfecta verò quandò alter uter tantum oboletur, vel valdè imminuitur; præterea nulli affectui succedit Paralysis & tunc protopatica vel primaria; vel alteri affectui succedit ut Apoplexiæ & tunc deüteropatica vel secundaria dicitur.

## CAUSÆ.

Paralyseos causa proxima est impeditus fluor liquidus nervosi in membrum, vel nimia nervorum laxitas. Causæ remotæ quæcumque talem fluxum impedire, vel nervum nimis laxum reddere possunt vulnera \* secando nervos, luxationes, ligaturæ, tumores comprimendo, suppurationes destruendo, materiæ viscosæ obstruendo, humiditates relaxando Paralysem creabunt. Secto namque vel contuso nervo, ad membrum ferri nequit fluidum nerveum, ossa luxata, tumores varii ut ædema, schyrrus, plhegmo, abscessus, exostoses, nimis turgida vasa sanguifera, corpora extranea ut Mercurius, Plumbum, Stannum, nervos comprimunt, undè denegatur transitus spiritibus animalibus per eorum cavitates fluxuris.

Obstruuntur nervi à materiebus viscosis in origine nervorum impactis vel ab ipsomet fluido nerveo nimis spisso; tales viscosæ materies à pravis digestionibus, ab alimentis crassis, à frigore externo, à metastasi aliquâ præ primis post diuturnam colicam, post Apoplexiam oriuntur; ab eisdem causis spissum fit fluidum nerveum.

Relaxantur nervi ab omni causâ quæ humiditatem superfluum progenerat, ut potus aquosus nimius, tempestas austrina, remora in locis humidis, gestatio vestimentorum madidorum, vita sedentaria, constitutio cachectica Hydropica, &c.

Cum à causis suprâ enarratis afficiuntur nervi ad



partes infrà caput positas prospicientes , fit paraplegia ; si nervi ad unum corporis latus , hemiplegia , si ad membrum aliquod particulare prospicientes afficiantur nervi , oritur inde Paralysis particularis.

## DIAGNOSIS.

Diagnosis & symptomata hujus affectûs ex definitione satis patent.

Quomodo autem illæso motu lædatur sensus & vicissim illæso sensu lædatur motus restat explicandum. Scire autem licet diversos esse qui motui & sensui inserviunt nervos , cum igitur fasciculi nervei qui ad musculos protenduntur sani erunt , affecti verò qui in papillas cutaneas abeunt , tunc absque ulla motûs noxâ lædetur sensus , & è contra absque ullâ sensûs noxâ lædetur motus ; si sanis existentibus cutaneis nervis , afficiantur qui ad musculum feruntur , perit autem vel valdè imminuitur sensus & motus cum nervi utrique inservientes resolvuntur ; membra Paralytica magis elongata & molliora sunt solito , hinc motibus à causis externis imprimendis valdè obsequiosa. Causarum signa externarum sensibus patent , aut ægrorum astantiumque relatu cognoscuntur.

Internarum diagnosis , habetur ex prægressis , ex cognito ægri temperamento , qui verò locus sit affectus docet scientia Anatomica ; si enim facies resolvatur , cerebrum est affectum , si partes omnes capiti subjectæ sint Paralyticæ , spinæ dorsi læditur tota , si dimidia ; & sic de cæteris.

## PROGNOSIS.

Paralysis morbus est curatu difficilis , difficile etenim ad nervos usque penetrat remediornm energia ; para-



plegia periculosior hemiplegiâ. Hemiplegia ver periculofior Paralyfi particulari : diù tamen vivunt Paralytici. Paralyfis perfecta curatur rariùs imperfectâ; universalis rariùs particulari; inveterata rariùs recenti; à præcissione nervorum proveniens incurabilis, à compressis nervis nisi removeantur comprimentes causæ curari nequit; cum membrum marcessit, vel summè frigescit, rarò vel numquam curatur; senes juvenibus rariùs curantur.

Paralyfis quæ Apoplexiæ succedit difficilis est curationis & periculosa ob causæ vehementiam; ob metum recidivæ, nam facilè in Apoplexiam degenerat. Hyème difficiliùs quam æstate curantur Paralyfes.

## CURATIO.

Paralyseos curationem antequam tradamus, duæ afferendæ observationes à patre carissimo communicatæ, quæ magnam hujuscem morbi thræpeïæ lucem infundent.

## OBSERVATIO PRIMA.

**S**ALVATOR *Barralier* forti donatus temperamento professione agricola quinquagesimum novum ducens annum oriundus è pago Mossanienfè dicto Arelatenfè urbe tribus distante Leücis hujusque Arelatenfè urbis incola, subitò Apoplexiâ correptus fuit die vigesimâ septimâ mensis Novembris anno 1740. horâ septimâ matutinâ, post Bihorium ab invasione vocatus medicus eum absque motu, & sensu jacentem inveni cum laboriosâ respiratione & pulsû parum à naturali recedente, adversùs tam atrocem morbum statim omnem opem adhibui; præscripsi è brachio venæ sectionem elapsis aliquot ho-



is è jugulo , post è talo , depletis sic sufficienter vasis tartari emetici grana octo juscuro infundi \* curavi ; copiosa , & vomitu & secessu subsequitur evacuatio , horâ nonâ vespertinâ abrafo capiti largum vesicatorium imponi jubeo invitis talibus auxiliis feliciter ceteroquin succedentibus æger ferè totâ nocte obrutus est somno.

Sequente tamen die & mensis Novembris octavâ horâ septimâ mediâ matutinâ tempestas filere incipit tranquillitate succedente ; caput multò liberiùs erat , pulsus meliorem obtinebat statum , absque labore peragebatur respiratio ; à tali excussus somno necessaria postulat æger.

In sanitatis via licet constituto ad novum præcavendum insultum mannæ uncias duas & semicem & pulveris cornachini grana quadraginta in juscuro statim præscripsi ægro , in primis viis contentæ materies anopotenter eliminatæ fuere. Præscriptis & sumptis remediis in hoc casu ordinariis ab Apoplexiâ sanus evasit æger.

Curato morbo primario ; de succedaneo agebatur sensum & motum , brachium & tibia sinistri lateris amiserant perfecta Paralysis paroxysmi tempore orta hæc membra somnino occupabat , inaniaque veddebat. In hoc lacrymali statu ; omni spe exutus morbum cum vitâ tantum finiturum dolens , novem diebus domi transactis nosocomium generale hujus civitatis Spiritum Sanctum dictum postulavit æger die sextâ mensis Decembris hoc intravit. Commiseratione percitus nova tentavi conamina , ut infelici succurrerem ; ad metam propositum tritæ non ducebant viæ , novam ingressus sum à Medicorum choro secedens. Minerale & animale regnum sedulus sed frustra , percurro , vegetale lustro , & se se mihi offert planta specifica , ad solamnem non solum sed & ad perfectam efficax medelam.

Paucis nunc expono methodum quam feliciter adhibui.



Plurimos urticarum urentium fasciculos componi curavi & aulae famulo imperavi, ut per horæ spatium alter in die membra paralytica brachium scilicet & tibiam leniter percuteret, obtusâ urticarum acie, mutabantur fasciculi, ut indè dolens excitaretur pruritus & advocarentur sanguis & spiritus animales ad partes affectas; levis hæc flagellatio tantam brachio tibiæque intulit mutationem ut quarto die utraque movere inceperit.

Tali flagellatione eodem modo per duodecim dies consecutivos continuatâ ægrum lecto solum & absque ullius adjumento duodecimâ die descendente lætus vidi, ambulavit adjuvante baculo quem paucis diebus elapsis omnino abiecit; brachio autem utebatur Paralytico. Ad pristinas recuperandas vires mansionem aliquam in nosocomio adhuc fecit, & ex eo sanitate gaudens egressus est.

Sanus hodiè & incolumis est adeò ut diebus proximè præteritis grato ductus animo domum petiit meam ut gratias pro tanto munere ageret amplissimas. Dominus *Delacetta* hujusce urbis civis nobilissimus nosocomii que suprâ dicti rector, & Dominus *Proal* Pharmacopola illius eventus textes existunt ocularii.

## OBSERVATIO SECUNDA.

**J**OSEPHUS JEHAN annum agens octavum hujusce urbis Arelatensis oriundus, è parentibus fortunâ destitutus natus magnum frigus Januario mense anno 1744. passus; paucos postea dies intestinali vexatus est colicâ; egeni parentes omni ope carentem reliquerunt; puer trinorum mensium spatio acerbissimorum colicorum dolorum infelix & innocens exitit victima; hos dolores exceperunt dolor & debilitas in ambabus tibiis & iis.



que adeò increvit malum ut utriusque usum omninò amitteret: postquam diù domi languerat ad nosocomium Spiritum Sanctum dictum incunte mense Mayo anno 1745. translatus est. Ibi per undecim menses lecto fixus mansit absque ullo tibiæ motu, & insanabilis tamquam habitus anno 1746. Aprilis mensis die primâ redeunte vice meâ ut nosocomium Medicus inviserem; infortunatum inveni puerum in statu suprâ de scripto, motu & sensu in tibiis carentem adeò ut in iisdem partibus fortiter vellicatus & punctus nil sentiret. Multipliciter edoctus experientiâ & felici audax successu quo non solum recentes, sed etiam inveteratas curavi paralyces; efficax urticationem scilicet adhibui remedium. Plurimum passus erat puer macie confectus, atrophîâ tibiis imminente. Jussi ideò ut cautè leniter & lentè urticis percuterentur membra paralytica intervallo longissimo & diebus aliquot inter utramque urticationem relictis; exeunte eodem Aprili mense per aliquot dies parietibus sustentatus ambulavit æger. Paucis diebus postea elapsis solus absque adjumento ambulavit, & tandem radicitus curatus est. Rectoribus & pastoribus suprâ dicti nosocomii luculenter patuit hic casus.

Ex præmissis novum & efficax emergit remedii genus, ex his minùs acerba fit paralyseos prognosis; ex his ut inveteratas & insanabiles tamquam priùs habitas tractare suscipiant paralyces incitantur practici; ex his minùs verax *Jachini* dictum dùm loquitur.

*Stultè faciunt qui ad resoluta membra operam ponunt, origine naturali ignoratâ, nihilque proficies, nisi affectam prius partem noveris.*

Ex his minùs ponderosum minùsque notabile evadit à *Galeno* Relatum exemplum de quodam paufania, qui in tribus digitis, servato motu sensum amiserat & triginta jam diebus medicamentis satis idoneis digitis im-



positis nihil auxilii senserat hunc enim cum *Galenus* à vehiculo in dorsum lapsum cognosceret conjecturam jecit in primo exortu nervi post septimam vertebra prodeuntis partem quampiam ab ictu fuisse inflammata, & nunc habere schyrrosam dispositionem, ideoque illud ipsum medicamentum à digitis amotum illi spinæ parti apposuit: undè digiti læsi cum adstantium admiratione fuere restituti.

Ex his tamen non concludimus urticationi omnem cessuram paralysem, insanabiles etenim existunt paralyfes quædam ut quæ à disseccto vel suppurato dependent nervo. Aliæ licet sanabiles, urticationi tamen non cedent, ut quæ à luxato osse vel à tumore vel à corpore extraneo comprimente oriuntur, in his casibus reponenda ossa luxata in sedem naturalem, tumores auferendi, corpora extranea amovenda. Non damnamus remediorum sylvam in practicum libris passim obviam; adhibenda ea utique ut variæ impleantur indicationes, sic in corpore plethorico mittetur sanguis dum turgent primæ viæ evacuandæ vel emeticis vel catharticis, in ordine redigendæ digestionis stomachicis aquis thermalibus dictis.

Brevitatis gratiâ cætera non enarramus remedia tùm externa tùm interna ut potè ubique obvia, & optatum finem sæpius non attingentia nec diutiùs quoque immorabimur in explicanda ad paralysem curandam urticarum urentium actione.

Quod agant remedia scire sufficit, quomodò agant obscurum nimis & utile minùs; urticatio extremas tùm nerveorum, tùm sanguineorum vasorum partes succutit; dilaceratque leniter; hac succussio extremitati nervorum impressa eorum origini defertur, sive per vibrationem, fibrillarum nervearum, sive per refluxum fluidi nervei, sive totus vibretur nervus vel interna tantum quædam fibrillæ, sive per alios quosdam canales ressuat fluidum nerveum, sive per alios quosdam diversos celerius ad cerebrum revehatur, quod luculenter satis non-



dùm explicarunt phiziologi ; tunc impactæ amoventur materiæ , obstructi referantur canales , tonus redit naturalis : præterea ad partes , stimulas ex lege unionis animæ cum corpore uberius advocantur & sanguis & spiritus animales I: Forsan urticarum spiculæ nerveorum & sanguineorum vasorum è extremitatibus adhærent , easque continuò stimulant eorum oscillationes augendo \* contentum in nervis fluidum spissum atterunt , ad progrediendum urgent , sicque nervos obstructione liberant.

Quid quid sit experientiâ & observationibus paternis constat , quod paralyfes incurabiles tamquam habitæ , omnibus resistentes remediis , inveteratæ , cum imminente membrorum atrophîâ urticarum vim & energiam non elusere. Auro sanè longè habendum in urticis latebat remedium ; hoc eò tutius abscondiderat natura , quod nihil tale suspicantibus omnium exposuerat oculis ; hoc extricavit pater summo paralyticorum bono , hoc nos jure utendo hæreditario præcoci licet publico tradimus dissertationiquè finem imponimus concludendo.

## ERGO PARALYSI MEMBRORUM URTICATIO.



